

湯溪縣志

章鏗署檢



湯溪縣志卷之一

中華民國二十一年  
金匱山東醫局代印

湯溪縣志總目

卷首

序

第五次纂修職員

凡例

縣境全圖

卷之一

編年

卷之二

地理

湯溪縣志卷之首

總目

卷之三

民族

卷之四

建置上

卷之五

建置下

卷之六

食貨

卷之七

典禮

卷之八

職官

卷之九

選舉

卷之十

人物上

卷之十一

人物下

卷之十二

藝文

湯溪縣志卷之首

總目

一一一

卷之十三

雜錄

以上  
正志

卷之十四

掌故上

卷之十五

掌故中

卷之十六

掌故下

卷之十七

文徵上

卷之十八

文徵中

卷之十九

文徵下

卷之二十

本志源流

以上  
附志

湯溪縣志卷之首

總目

三

序

余承乏湯溪之六月奉

大府命搜求縣志以爲建設教育施政參攷之資令再三下卒無以應徒取纂修未竣之辭覆之非得已也蓋以湯邑志乘自清代乾隆四十八年纂修以來時隔百數十年中經紅羊之亂舊鐫版片蕩焉無存卽往昔印成之書已隨劫火餘灰同燼無復存者欲求一編如鳳毛麟角之不易得不幾慨文獻無徵乎民國六年武進丁君燮來宰是邦與洪紳承魯暨地方人士集議募捐創設修志局規模始具顧以年久失修採訪編輯紛紜繁曠一時未能畢乃事年復一年迄今已十稔矣其稿之積而成者約十之九其未

湯溪縣志卷之首

序

一一

成者殆十之一耳余乃招邑人士而商榷之僉曰請督促之實土之功會當有以成之也適是時代理修志局長葉紳潤芳辭職余爲改聘總纂戴紳鴻熙主局事親造其廬三致意焉戴紳慨然諾並開會公舉聘徐紳篆丹副之由是散者聚之缺者補之誤者正之分纂者校訂者亦相與朝斯夕斯而從事靡懈初以三月爲期旣而不足則又延長之今五閱月而是志告成其可以慰邑之人民期望者可不爲諸君子慶幸也哉余思自是厥後山川道里之詳土地賦稅之源皆得以是而考之學校之推廣戶口之繁增皆得以是而計之風俗之厚薄人才之盛衰皆得以是而比較之交通之變遷水利之通塞物產之改良皆得以是而因革損益之按圖

索驥開卷了然誠輜軒之使所必采亦讀書稽古之士所不可不  
一覽者也一俟剗剛有成余亦將以報

大府之命而塞其責爰於志成之日述其大略如此若云乎序則  
吾豈敢

中華民國十六年十二月吉日 湯溪縣縣長瑞安薛達撰

# 湯溪縣志序

湯溪置縣在明成化七年其地於春秋爲越之姑蔑於秦漢爲大末烏傷二縣境大末卽姑蔑姑大皆尊稱其義同蔑末則音近也東漢分烏傷南鄉立長山而大末沿訛爲太末矣三國時分太末立平昌晉初改爲遂昌隋改長山爲金華並省太末入之遂昌亦省入松陽唐初復置太末遂昌太末尋更名龍丘又析金華置蘭谿五代時龍丘更名龍游自後遂爲金華蘭谿龍游遂昌四縣境以逮於立治也縣之有志創於成化十年宋知縣約書佚未詳卷數萬曆二十九年汪知縣文璧續爲八卷清康熙五十九年宋知縣紹業續爲十卷乾隆四十八年陳知縣鍾炅又續之卷數同前

## 湯溪縣志卷之一

### 序

一

其後一百三十四年余權縣事下車卽訪舊志久之始得乾隆本而前令丁君調琴曾有修志之議草草設局規模未立爰集耆秀詢謀僉同以洪君嘯漁長志局戴君樂真任總纂自餘羣彥分肩採輯又與樂真商權志例宜用章實齋法而稍變通之復以地圖重在測量屬嘯漁尸其事逾年余忤上官解綬去縣而樂真嘯漁每以書札往復討論章君介臣擅考金石得一拓本輒用寄示故雖在遠尙常相聞越十二年志已殺青章君曉唐實董校讎之役乃自金華郵其全秩且以序記爲請蓋嘯漁樂真先後下世葉君錫衡繼主局事亦已殂謝復得徐漱之陳藻汀二君之助遂以樂真稿本部爲廿卷授削氏焉余繙帛其書體例多曩時所建議而

門目分併大都隱括事文記述復皆翔實誠方邑之惇史亦圖經之上乘也閒有詳略異同爲余所不能默爾者如縣地沿革旣首言之矣按太平御覽採謝承後漢書任延爲東都尉禮聘龍丘萇事知太末在更始屬於會稽東部而烏傷爲會稽西部治蓋順帝時所移置也又後漢書郡國志注引鄭緝之東陽記龍丘山色丹白遠望盡如蓮花巖前有一桃樹其實甚甘非山中自有莫知誰植此甘桃樹爲新舊志所未載而後漢書任延傳注引東觀記但言山色丹不言白也又後漢書任延傳稱龍丘萇病卒延自臨殯不朝三日舊志不載而謂萇謝病去非事實又南齊書徐伯珍傳稱伯珍宅南九里有高山班固謂之九巖山後漢龍丘萇隱處也

湯溪縣志卷之一

序

一二

是知伯珍故宅在龍丘山北九里卽今縣治左近其爲縣人無疑伯珍有叔父璠之與顏延之友善還袪蒙山立精舍伯珍往從學積十年詳見伯珍傳中新舊志皆不著蓋闕如也袪蒙山之名亦自來無知者又陳書儒林傳稱鄭灼信安人龍游湯溪兩舊志則皆以爲縣人或其原貫爲太末故乘相傳當有所本猶之徐安貞史稱龍丘人蘭谿志亦有傳不嫌其互見也而灼之祖惠梁衡陽太守父季徽通直散騎常侍建安令見灼本傳此芝草醴泉之本原不可使其名氏翳如又南齊書徐伯珍傳稱山水暴出漂溺宅舍村隣皆奔走伯珍累牀而止讀書不輟徵士沈儼造膝談論申以素交早喪妻不復重娶自比曾參陳書鄭灼傳稱灼以梁中大

通五年釋褐奉朝請累遷員外散騎侍郎給事中安東臨川王府  
記室參軍轉平西邵陵王府記室簡文在東宮引灼爲西省義學  
士承聖中除通直散騎侍郎兼國子博士尋爲威戎將軍兼中書  
通事舍人高祖世祖之世歷安東臨川鎮北鄱陽二王府諮議參  
軍累遷中散大夫以本職兼國子博士未拜太建十三年卒時年  
六十八灼常蔬食講授多苦心熱若瓜時輒偃臥以瓜鎮心起便  
誦讀其篤志如此皆志傳所未詳文獻足徵不當芟略又兩唐書  
徐安貞傳皆甚簡略新書且據范攄雲溪友議造爲汗巖之言稱  
安貞在中書省久是時李林甫用事或言計議多所參助余序徐  
尚書集已詳辨之而舊志未能考正乃迂曲其詞謂李林甫當國

湯溪縣志卷之一

序

一三

忌文學之士安貞棄官之衡山此臆說也過而存之毋爲依據又  
隋書經籍志有揚州從事徐伯珍撰周易問答一卷蓋揚州刺史  
豫章王蕭蕤曾辟伯珍爲議曹從事也志傳誤作豫章刺史辟儀  
曹從事南齊書徐伯珍傳又稱吳郡顧歡摘出尚書滯義伯珍訓  
答甚有條理儒者宗之則伯珍於尚書亦有問答之作惜已佚亡  
未著目於隋志耳又陳書鄭灼傳稱灼勵志儒學尤明三禮少受  
業於皇侃家貧抄義疏以日繼夜筆盡每削用之隋書經籍志禮  
類有皇侃喪服文句義疏十卷喪服問答目十三卷禮記義疏九  
十九卷禮記講疏四十八卷而無灼書新舊兩唐志並載皇侃禮  
記講疏一百卷禮記義疏五十卷則互訛其書名而卷數差異乃

并目錄計之也近人日本島田翰古文舊書考有傳錄古卷子本喪服小記子本疏義卷第五十九殘秩每經句下先侃疏後鄭注旁引王肅劉智蔡謨庾蔚之賀瑒崔靈恩諸家之說而申以己見曰灼案曰灼謂曰灼又疑其平斷至精覈間與侃疏違異島田定爲鄭灼所撰禮記子本疏義是已余按梁書皇侃傳但稱侃撰禮記講疏五十卷書成奏上詔付秘閣不言講疏外別有義疏一百卷其喪服文句義疏十卷當卽講疏中曾子問喪服小記雜記喪大記奔喪問喪服問問傳三年問喪服四制凡十篇單行之故分卷亦相合與樓幼瑜劉瓛賀瑒何佟之等喪服經傳義疏就儀禮喪服篇單行僅書一二卷者不同而講疏則文句義疏之省字定湯溪縣志卷之一

序

一四

稱也至喪服問答目或卽講疏初稿與文句義疏不相出入耳是足證明侃於禮記初無倍於講疏卷數之作然則隋志之皇侃禮記義疏九十九卷又日本藤原佐世本朝見在書目之皇侃子本義疏一百卷並灼是書而誤題侃者塙然無疑矣灼本傳所稱抄義疏亦正指此其標題子本疏義者子爲尊其師之稱本疏謂侃本疏猶言本注義則己所傳益故不曰義疏而曰疏義史志所著錄又皆誤倒也島田謂子本猶曰經注孫詒讓謂子本爲灼所題以別於皇侃原本子本猶別本云爾蓋俱失之且灼是書爲世間孤本所據經字與唐石異又多魏晉六朝禮家佚說可補陸音孔義余別有考此不具論惟先民經籍晦而復顯乃後學所宜通知

者又徐安貞同皇甫彬孫逖張環所撰續文選二十卷與徐堅賀知章趙冬曦所撰文府三十卷時人先後不同書名卷數亦異詳見玉海引韋述集賢注記述與安貞同官所記必無舛午新唐書藝文志徐堅文府下小注卽本章說但誤卅卷爲廿卷耳韋記謂張始興嫌安貞等取舍未允其事竟寢蓋其書本未成王溥唐會要稱安貞等撰文府二十卷上之朝則訛傳其書名且併二事爲一談矣有疑安貞與徐堅同奉敕撰文府者乃失之不考也又徐安貞撰讓皇帝哀册文載宋敏求唐大詔令集易州刺史田公德政碑載王和金石萃編原石尙在保定余有其舊拓本樂塘井詩載光緒蘭谿縣志他如滕邁滕倪之佚句見於雲溪友議者文徵

湯溪縣志卷之一

序

一五

皆未採入此爲唐人僅存之作完璧零珪俱足寶貴又徐安貞有族子含貞爲衢州開元觀道士開元間嘗新觀宇顧况撰碑紀之舊志不著其人龍游志亦言之不詳按顧况碑備載文苑英華可錄入文徵也又縣北十五里證果寺廢於明嘉靖間今之寺前楊寺後鄭並以寺而得名舊有和尚堰自東視至下潘漑田數里則寺僧長汀所浚也新舊志皆不詳又漏載宋濂重建證果寺記宋記作於洪武九年龍游新志有其文但多訛奪耳又胡超恥菴集余從其裔孫心農得康熙時抄本一厚册無卷數次第亦甚紊亂按千頃堂書目知原秩爲十卷意當時有雕本而歷久無存矣今心農已物故排比刊行尙有待也按集超與李東陽謝鐸桑悅張

弼吳寬楊一清文林並有唱和弼寬並爲撰恥菴說林爲撰墓志銘見胡氏譜文徵皆未採錄更當於懷麓桃谿思玄東海匏翁石淙溫州諸集考之又外北鄉新出土之唐會昌三石二劉墓志已載文徵惟屏買地券未錄近人尙有彙印地券爲蒿里遺珍者是券自可輯入雜文而此三石聞爲蘭谿某氏巧取望縣人士能索歸以存魯弓也又南鄉范氏藏其先世宗圖自中孚贈公至香溪先生畫象凡十有司馬光潘杲呂好問韓世宗周必大呂祖謙魏了翁柳貫題贊爲宋元人名蹟東鄉某氏藏明代官堰譜有萬曆時官印牘劄今昔水道雖有變遷而官堰無改可援據以斷田水之訟此皆志所不著謂宜摹刻並永其傳已上綴論云者略就目湯溪縣志卷之一

序

一六

治所得記憶所及以補苴其一二而拉雜書之亦不復詮次子貢曰不賢識其小者司馬遷云其軼乃時時見於他說邦人君子庸有取焉衡山李泚序

中華民國二十年四月十五日

## 湯溪縣志序

予以民國十九年十一月奉命來篆湯溪適新修縣志竣事修志局副局長陳君鴻業屬識數語於簡端予取而讀之竊歎其體備其文簡其事賅信爲今世方志之善者也何敢有所論列然幼讀史嘗有所疑古今作史者不下數百家其爲書亦數千萬卷大抵皆紀君相之言動武士之戰績於社會經濟之情狀鮮有及之者鄭氏通志杜氏通典號別史之善者通志爲書二百卷言食貨者二卷耳通典亦二百卷食貨僅十二卷而典禮一門竟居百卷以二卷與十二卷之食貨又皆詳載賦稅錢幣漕運之制當時社會民生之經濟情狀難以攷見則史之爲史其義何居作史者猶欣

## 湯溪縣志卷之一

### 序

一一

欣然自詡曰體例如是爾不如是不足以稱史夫所謂體例者不皆原於司馬遷乎遷作史記有貨殖傳詳各地之物產風俗其例則何所自前史所無者司馬氏能創之司馬氏所有者後人仍不能因之猶曰謹守前例適足以自章其短耳今人之治史其識遠過於古人指斥前史之失亦切當而有理欲於國史詳紀社會文化演進經濟變遷之蹟而創一新史學其事尤善惟新史當資完善之方志而始成今之方志又皆誇耀人物侈陳名勝矜持義例詳於古而略於今重空文而輕事實於古今之一木一石一塚一祠標榜附會累千萬言而不休物產之豐歉工商業之盛衰及人民生活之情狀反繩之以例屏棄而不載章氏學誠曰國史取裁

於方志以如此之方志而爲國史所憑求國史之改善不亦難乎况方志爲施政者參攷之資若志書徒以誇張山水之奇詩文之美古代人物之盛爲能事而不一及其他施政者將何所攷資耶故予以爲志書體例之改善不獨有關於國史尤有關於政治今湯溪志都二十卷分十有四目古今並重事文並詳信乎方今志書之善者也他日修史者取裁於此予向所疑于史者或可釋然解也偶有所感輒書於此以質主志事之諸君子以爲然否耶

中華民國二十年四月三十日 惠陽李錚序於湯溪縣政府

湯溪縣志第五次纂修職員

主修 湯溪縣知事丁 燮 江蘇武進人

李 沘 湖南衡山人

許之龍 江蘇宜興人

金鴻翔 江蘇吳縣人

李文彪

廖維綱 江西臨川人

羅會坦 安徽歙縣人

李金章 安徽鳳陽人

王景韶 浙江海甯人

湯溪縣縣長薛 達 浙江瑞安人

局長 兼分纂 洪承魯 縣人 以下並同

總纂 兼局長 戴鴻熙

協纂 章萼銜 姜恂如

湯溪縣志卷之首 纂修職員

一

分纂 兼副局長 徐篆丹 代理局長 葉潤芳

章 鎧 章振聲

章藻揮 豐之翰

胡 埜 胡達韶

張 昭 王慶槐

胡應康

參訂 嚴志清 馮樹滋

邱作霖 謝寶書

范志高 張鴻達

章鳴謙 鄭維鈞

校勘

姜鑑清

兼籌捐 豐致和

姜鑑懸

葉殿華

豐桂丹

兼蘭源區 續採訪 戴兆齡

姜俊

採訪

中區 兼籌捐 貢福同

開化區 鄭維翰

白沙區 鄭國華

白沙區 范玉林

瑯琊區 盛國楨

瑯琊區 徐濟錫

厚大區 謝作蕃

厚大區 范秉琳

蘭源區 戴鴻庥

黃堂區 豐士梅

洋埠區 潘良輔

內北區 鄭載賡

湯溪縣志卷之首 纂修職員

一一

內北區 陳潤璋

外北區 兼籌捐 王履豐

外北區 葉蘊華

徐歌鹿

續採訪

中區 貢福助

中區 余心泰

開化區 周作豐

開化區 周作楨

白沙區 杜葉英

白沙區 朱暉

瑯琊區 盛華春

瑯琊區 徐善荆

瑯琊區 許炳麟

厚大區 范景圻

厚大區 張謙

蘭源區 葉鍾嶽

黃堂區 豐國鈞

黃堂區 祝封三

洋埠區 蕭元傑

洋埠區 陳鼎新

內北區  
兼籌捐  
嚴寅

內北區  
胡人文

外北區  
童樵

外北區  
張桐

籌捐

傅良玉

胡樹護

諸葛恆

文牘會計

戴兆懷

胡應棠

戴醇

湯溪縣志卷之首

纂修職員

三